

紹述先生文集

十一

16  
2124  
11



信  
2/24  
11

紹述先生文集卷之十一

書類

與木村信甫書

伏啟不贖丰度既彌六旬屈指計日思念縣切昨忽  
獲承翰教甚愜鄙懷聞九月十三日已抵秋田病軀  
能耐暑跋涉斯畢敢不以賀想慈闈倚閭之望令昆  
在原之情今既釋融矣辰下玄冥司令肅霜侵入伏  
惟動履戩穀子闔家無事父母享嘉二季日長願不

男善韶 校



庸室慮仁齋文集寫畢見附鴻信是望願勿必速兼蒙謝送行之章投桃獲瑤良用報顏願數年之後貴恙得痊西遊有日臨穎耿耿不堪翹佇之至仰冀鴻慈俯垂焘鑒不悉貞享四年十月十七

復平山幸齋書 代家君

未挹丰采忽承翰教重以便面之貺多謝多謝時惟初寒起居清勝欣慰何如承喻令姪玄節生與劣女某因媒妁之言修伉儷之禮自是與賢契為通家之好未遑奉問先荷慰存不堪汗顏之至承釋快子澤昌麟亦嘗與賢契往來欣慰欣慰劣息胤犬馬之齒

麟

既長未有成立亦辱錄及別啟奉謝俗事蝟紛稽留奉荅萬惟焘察不宣 癸酉

與幸齋書

久服盛名渴仰惟劇不意通書于家君修通家之好亦辱齒及僕素性懶放本不足廁名于大方獎譽踰分益以慚懼然樗櫟之材遇匠石之斲何幸加之以此自慰耳貴邑學生江田某從家翁受學且夕往來亦嘗傳先生之名文事武備久切翹企今裁小簡附予上問隨分紛冗久稽報鴻私幸見恕察聞明年有上都之意不堪喜忤駑材麗技願蒙大手之是正寒

甚萬萬保畱餘布面晤之癸酉

復仙臺醫貞鈴木道竹書

千里神交聲應氣求兩賢相投乃能契合僕屏伏草  
莽本無一長可錄徒讀書誦古以自樂爾何圖聲聞  
過情叨塵聽聞以高明之見下問薄劣遠惠書儀以  
師道相推重非所克當也就審德履安迪慰慰承諭  
老兄刀圭之暇夙嚮聖學信奉宋氏之旨者有年矣  
聞予先人反程朱之說自出己見始焉而非之中焉  
而疑之終焉而見所著一二成書決然以謂聖學真  
傳在茲嗚呼不隨衆而趨舍有見而後始從何其識

之確而革之勇也大抵古今之人有定識者鮮矣信  
者未必見其是而從衆而信疑者未必見其非而從  
衆而疑何以取正乎故曰是非之決不在衆寡而在  
明暗譬諸有衆叢乎野有一人麾而東則衆從而東  
又有一人麾而西則衆從而西故世之所好雖賢智  
者不免為之眩惑焉非衆好必察衆惡必察者豈能  
實見而不蔽乎昔在漢之時世之言春秋者專據公  
谷二氏而左氏不著漢之季有一劉歆移書太常請  
立左氏時之宿儒羣誹不從至於棄官而去降至今  
日左氏盛行公谷殆東閣焉魏晉已來歷三百年專

經之士父康成而兄子慎至曰寧道孔聖誤諱言鄭服非有一孔季產專古學所親恐其獨善不容於世降至今日宋學盛行而鄭服說亦殆束閣焉豈前之人皆愚而後之人皆智乎哉亦勢致然也宋氏之立說校諸鄭服則精宋氏之制行視諸鄭服則嚴嚴則或至於激精則必傷於高此先子之所以不得已於言也夫為名邪輒先脩以立己說毀之所歸為利邪背時好以行其獨疑之所興不為斯二者而立言其必有不得已者焉老兄其有知之矣冗懶少便殊稽奉答肅此布復言不盡意臨楮神往

戊戌五月廿三日

○奉答光祿藤公書

辱賜盛翰薰誦數四恭審台候勝常慰沃之劇日者所奉瀆先集高序速運椽筆下賜再三捧讀感何堪言不唯文綵爛然眩耀耳目而沂道源披聖蹟以廟廊之貴下韋帶之士尊賢樂道之盛心豈唯先人之開顏于九京哉亦足以激勵世風振起士氣速刻之簡端冀附驥尾以垂不朽不日參叩以謝鴻私盛价告歸且迫暮忽忽奉謝疾書不謹萬祈崇照不侑

答今西醫宗書

春間枉荷過訪殊慰渴仰此回又蒙寄教音眷茲隆

作

厚兼惠海錯一器至感至感就審起居清裕為慰多矣比來冗甚久不到貴境數勞夢思稍間幸造高宅以奉面晤秋霖沙旬萬萬以時加番為禱不備

諸弟辱蒙問及同此致謝

復水谷契長書

聆臺下之名熟矣忽蒙惠章副以珍詩爰償夙志為感伏審起居享福至慰至慰日者回村上子見託中瀨子山園記邨上子苛督欲逃無由袞冗之中黽勉塞責恐貽嗤大方忽蒙垂問感愧兼集多懶少便久闕奉報肅此布覆統祈崇照千萬將護以順秋令不

具  
丁酉  
七月

復中瀨契長書

華緘之惠佳茗是并感領厚意伏審德履多福至慰至慰向者因水谷子見徵記名園山川迢遞無緣寓自欲託之詞懸想曷得遲澁稽滯愧負殊甚村上子催督不措草草應課豈意千里寄音推譽之隆顧分曷勝勤此伸謝言不盡臨風引領千萬保重不備上

答梅岡省三書

勢州山田人丁  
丑九月八日

違濶以來裘葛幾更忽承手書仍審起居清勝至慰至慰僕家府及眷集皆無恙某蒙庇如昨叨荷枉問

感感向者石井生到篤實佳士也聞與君同里且共  
筆研交脩之託敢不承當幸居止接近且夕往來隨  
分勸獎共期進脩耳幸不掛念餘布面究諒察不宣

答東城元泰書

未遂覲面向蒙託書舖人辱手書多荷多荷就審客  
歲隨留臺到此春來興居清迪感慰之劇承喻久在  
關左景仰先父之名行亦思識僕詞意懃懇謙冲之  
情藹然乎楮墨之外僕何敢當焉先人隱居放言樂  
往聖之道以終身嘗為人所知因是而問及予亦見  
好善不遺之誠矣僕叨守裘業訓課一二子弟欲使

畧識分義不陷于非僻焉耳何意虛名傳播遽以司  
命權衡相推重殊增愧負然同其臭味豈敢自外况  
公廨在近執掌之暇日夕追隨吾固所願漸暖千萬  
保練以膺多福不脩乙未二月

答篠崎醫宗書

未挹丰度枉荷馳問前日自時杖屨處到辭意莊肅  
殊見謙虛推獎之隆顧分何當僕叨承先訓唯知讀  
書屬文為樂凡百人事無所曉解齷齪之材要不中  
世用也一二文字不慎傳播過瀆高明殆名浮其實  
文滅其質是懼何堪以師道相推也但先民有藹菑

之詢聖人擇狂夫之言老兄好善之薦其信聖人之道也遂慕先子之行慕先子之行也遂及撲檄餘愛惓惓叨蒙齒錄不遠千里尺書問及聊以此自解焉耳垣內橫闕兩知友皆及先人之門時通書問時杖丈自客歲直衛京城屢見過訪殊信其薦志承皆交相熟時杖丈任滿將東草草復此想東歸之後頻頻追隨談論有益山川悠遠合并無期茲為恨恨耳漸暑保攝千萬

復濃州白田生書

前年枉書縷縷數百言足見多年研究之力欲速謝

答而世故蜩紛加之性命之說非立談之可能盡故荏苒歲月殊負踈慢承諭先子所著書中非宋氏性即理也之說而卒不免流于善惡混之說此讀之未精也大抵聖賢所云性者即今世一不識字人之所云性者乃稟受之謂而宋氏所謂氣質之性也其皆可以為善故孟子謂之善也然物之不齊物之情也雖同為善而亦不能無少異同其甚也或亦有少變異猶草木之花實本自有一樣形狀而亦不能皆同一樣或亦有甚異者也字義所謂非謂天下之性皆一而無惡者乃指此以為言非為性有善惡也蓋就



活人上自千差不齊中看出箇善也至宋斥之以為氣而求所謂善者于寂然不動之先則非聖賢之所謂性善也程子曰人生而靜以上不容說才說性時便已不是性也張子曰形而後有氣質之性善反之則天地之性存焉故氣質之性君子有弗性者焉皆此意也此與孟子之意異矣唯當平心易氣據聖賢之言精而求之自可得之固不待予之多辯嗚呼道之在天下日星炳焉孰敢張一家之私言以輔前修廢衆論哉心之以為是者亦欲同之于人人之情也足下之篤志力學聞之于廣瀨生者熟矣故曰見問

及粗陳管見其亮察之萬萬自愛不宣

戊戌八月

答堅田生書

山川阻修忽軫遠念書儀并至賀茲新禧殊荷盛意就審起居安迪慰慰勉勵之志溢于楮墨幸努力以成宿志所大望也秋暑尚甚保衛不具

庚子

答野添生書

春初蒙寄手教且并賀儀慶茲新正感甚書達甚晚殊稽奉答幸恕即日動定勝常否想讀書且有緒僕眷安裕幸不懸念正遠臨書不堪耿耿

庚子

答安藤大藏書

號擴所

春間遠辱手教副以連篇新詩殊荷感念爾來日為  
 問字人所絆歷夏涉秋稽留奉荅踈慢之罪不知所  
 謝就審與居萬福劣弟向通仕籍辱同僚之契久服  
 盛名未由披雲忽蒙垂問益切馳結詞翰之妙曷勝  
 欽歎大抵武弁之士多忽文事雖或有志於學亦迫  
 於公務不得肆力契丈在藩府叢劇之中能知好學  
 尤今世之所希見况崇慕吾先子之道遺書及拙述  
 文字常加探討且感且愧但願鞅掌之暇從事於聖  
 賢之言日就月將以成其所志居官執事者上可以  
 裨益乎君下可以潤澤乎民幼學壯行實有所措與

獨抱遺經空言無施者大不同矣何日合并以究所  
 懷高作數首僅次韵其一以酬盛意時惟寒甚千萬  
 保重不備  
壬寅十月廿七日

荅琴臺拜琦書

祭戟西臨鞞鞞爰從忽睹朶雲嗟茲衰朽再三捧讀  
 且愧且荷乃審賢契從學之日久交友之道周古之  
 傾蓋如故言相知心也今子既尊聖人之道而其所  
 師友覃討者非當世之名卿鉅儒則吾先子之門人  
 故舊也雖未挹羊采豈敢自外瓜期尚遲一年官暇  
 随早晚見過幸多勤此伸謝諸留面究

鞞鞞  
 詩美  
 雅鞞鞞  
 鞞鞞  
 鞞鞞

荅石川某書

向辱傳瀨崎舅書適冗草率奉謝會不經意恐見訝也乃披瑤函誦華箋冲挹之懷萬學之美未接光霽已仰高志之所趣聞今年宿衛京城周歲之間地則咫尺若有事到坊中幸賜賁臨有委勿外更冀以時珍重不具

荅博泉書

二月初五日貴邑人上都辱托寶箋就審德履清裕曷勝欣幸喻擬河汾太平十二策成一書近日錄寄尤所欲捧誦云先王之道禮樂陶鑄以成人材後世

以一定之準是非百世為可疑也縷縷垂論足見研索之工日進熟高明之見日新不敢自是而亦蒙下問且感且愧便人在門促報忽忽覆字幸恕卒易不具

壬子四月十九日

復劉雲鼎書

去歲遠寄華緘垂諭丁寧未挹道範已為舊相識想且蒙刺寄圖書三顆乃神斧意工奪造化殆超三橋雪漁而上之時有著撰已頻用欵識蕪陋之詞頓覺生光輝殊謝厚意且見屬錄寄拙文一通不佞時有文字多不滿意無千里遠傳足副高意者遂致遷延

惠

歲月且稽奉盒近遞送人頻頻促報責以踈慢為此  
草草布謝拙文幸竢重錄呈餘意悉于渡島門函兩  
丈書中向暑千萬保練以膺多福不悉壬子五月十五日

畚高松氏書

客歲九月十三日華筭自弟長準處到未接丰采叨  
荷推重意思勤懇懇數百言而弗已何其悅學之  
殷而撝謙之甚也漢製朱碗二笏殊見珍愛唯恨東  
西千里盍替無日然往聖之道未墜于地先人註述  
之旨亦稍刊布况桂川子及先人之門講討有日聞  
契丈通家之契日相過從又云質疑辨難必有其方師友

硃錠

薰陶何煩遐求近日長準西上若有貴幹不憚附託  
草草佈謝口所欲言非書之所能究也春寒未退保  
蓄為幸不具壬子三月三日

與若水書

稻義字宣義

前日蒙借賈述管公傳固見記事行文之簡暢今寫  
訖因江田生還壁多謝多謝近作高文投下為幸餘  
非面莫究辛未

荅實松賢契書

客歲遠惠書問殊荷垂念多懶少便不得奉盒已更  
衰葛矣豈勝愧仰就審乃翁齒益高而德益邵賢契

日夕侍奉家庭之間互相講討此今世之所希見真樂事也僕蒙庇如昨與一二子弟同好之士日研味墳素尋繹先人之餘論以為常爾書辭勤勤懇懇推我以人豪任我以道德文章之重非區區之所敢當也聖人之道昭如日星遺言微旨布在方策唯冀勿忘心勿助長樹風聲于一方以闡明往聖之道正遠以時加衛幸甚辛丑二月

復道香師書

前月奉書附快師想既達左右前書所言仁齋送序事項又得其詳因審告之往年對州大塔全安來於

京師從家府遊嘗因疾命往朝鮮寓金山浦浦隸慶尚道有館接待國人全安在彼以序示府尹某府尹大歎賞曰今此文無奇字險語平平鋪叙其學雖不可知想講道學者也中夏以文鳴者亦無此之比其論儒釋處固精當令釋迦見之固不能不抵掌焉府尹掌慶尚道事階正二品擇有文學者差叙偶失姓字又有一通事官嘗使于本國者曰往歲因貴大君嗣位聘于上國邂逅諸士詩雖畧有可觀者未嘗見一篇文字亦未知有伊藤維楨者豈以明人文字誤示我乎甚美文之入格昔梅堯臣作雪詩西南夷傳

之至織弓衣夫以華人得我夷歎賞尚猶誇之上于  
簡策矧東方素之文材家翁之作傳播至瀛貊之國  
真希觀也且曰歸京示同寮諸友不識朝鮮羣僚所  
評如何所喜師之高名與序共播揚三韓之地比又  
錄邪說暴行論往未得音耗餘布嗣音

復松宮觀山書

四月八日附東海篠子書并八月三日別幅自京衛  
德田丈處到兼喻東海子將西上有故不果千里間  
關遠蒙翰教示諭再三殊荷眷念僕別無一長可取  
徒讀書誦古不棄葑菲叨蒙齒及謙冲之至推譽之

隆且感且悚非取善之周且厚曷能如是且聞學武  
從仕文事武備兼資惟難講武之餘從事學問足見  
高明之不苟焉而止何日合并以究所懷正遠千萬

保衛 癸卯十月十三日

答或人書

承喻誠者天之道也誠之者人之道也天人一道故  
夫子喻曾子曰吾道一以貫統之可否如何蓋以夫  
子之告曾子本是平常易識之語也自理氣體用之  
說興而以為事之大小多寡物之輕重厚薄千狀萬  
態散殊不一而至語其體則只是一理非知致物格

者不可得而知也。曾子是時隨事精察力而行之。將以有得故特以告之。而曾子果契其旨。即對曰。唯及門人問其事。乃借學者受用之目以喻之。曰。忠恕而已矣。此非夫子之本意也。何者。古人之學無體用之說。凡聖人千言萬語皆就用而明之。若至言其體則雖堯舜孔子之聖而有不可得究者。而又有最不可解者。理學家之言曰。不善之生皆自氣之不齊而所致。理則純粹至善無些邪惡。然天下無理外之物。而萬物統體一太極。則所以使氣之然者將誰使然邪。然則所謂理也者。亦且有不善者夾雜於其間乎。理

之不可得而窮孰甚於此。所以聖人之學無即事窮理之說。曾子嘗曰。君子所貴乎道者三。而邊豆之事則有司存。又曰。吾日三省吾身。而其事皆不過接人應物之間。則知曾子之學識其大處。專務力於躬行之上。而不即凡天下之事逐件研究其理。亦可知矣。然則夫子所謂一者將何事乎。蓋聖門之學以仁為宗。而求仁之方莫近於恕。故曰。可以終身行之者其恕乎。夫忠以盡己之心。恕以付人之心。皆所以接人而可以至於仁矣。故五常百行其事雖多。而忠恕足以貫之。此曾子所以為門人述夫子之旨也。今詳尊

喻與舊說不同夫聖人之道固是至誠誠貫天人然此自人而贊天道聖人之妙則固可言也聖人自道豈謂吾道誠貫天人乎哉鄙意如此不知是否若有未悉幸再賜教

目  
答堅田隱伯書

一別條忽涼燠屢更光陰荏苒又屆新正遠寄尺素副以賀儀繾綣之情殊屬感荷承喻起居佳勝為慰僕家眷各平安幸勿勞懸念也書不盡言草草布謝再答東城元泰書

向辱惠音忽忽布謝旬日之間重蒙寄書及新詩數

首且丐郢正感悚兼集大抵改詩最難拘于聲病對偶加之體格各異好尚不同輒為改修多失主意况高作清新穩雅何勞斧鑿藏諸篋衍以噏玩耳非敢慢也且蒙問月課文題別帛錄往公暇若得構詞幸見示及鄙意有所不安何敢憚於修改餘附面控不備  
乙未二月二十九日

答石井彰信書

客歲十月朔日書平井春城生齋到副以土宜一品千里神交如接面譚懸念之情溢乎楮墨之間何其信道之厚而執己之謙也就審興居安適至慰至慰



唐

春城生父祖已來與予為通家橫山生亦嘗在京留學聞皆與老兄交相熟曰欽慕先人道業感哉曷堪僕承家訓株守如昨叨信傳聞枉蒙獎子愧荷之至藥性歌序之託尤非所當也唯一二文字聊述相識之契託于書尾以塞責焉耳氣序流易忽屆履端惟冀保衛以應新禧萬祈照亮不備乙未

荅向井茂助書

去年重陽書自渡邊生處到未遂識荆忽辱翰音尤荷欣幸冗懶之間倏爾改歲報荅稽滯為恕為恕僕守裘業畧曉章句本無足稱道者過信虛譽推獎之

唐

隆曷敢堪當聞先父所著一二成書嘗入電矚素見信依尤為空谷足然之想貴境之距此不知幾百里也雲濤萬壘道阻且修然斯道之在天下東西南北莫不準焉垂喻縷縷不唯見相信之厚亦足以見斯道之莫不同也蒙喻爾後時遞書問互相質正詹詹之言何足相荅然心以為是者豈吝奉告草此抒謝統祈照鑑春寒自愛不備乙未

荅廣瀨源左衛門生書

書到副以剡藤十帖志尚之薦相愛乃至於如此慰甚慰甚然窮巷寒邑無不有其師士農工商無不有

其業何必儒其服儒其言坐乎按席而後為學邪但  
定省之暇時而遊學就師親友尊其所聞行其所知  
庶幾在乎天地之間不負為此人矣秋冷自愛萬附  
面晤不備享保丙申八月日

答管致齋書

曩者森下二生之東歸語云老爺今茲年登八袞敦  
獎後生老而不已願裁壽詞一章見寄為相傳也因  
念老爺昔者在京師與一二耆宿米川八尾諸老相  
追隨時亦與先子講習先子即世之後又蒙枉顧殊  
荷繾綣屈指始終殆四十餘年矣非信道之厚何以

久而不替至於如此耶仍賦古體一篇託二生以呈  
聊以報奮好焉耳何意遠寄書問副以謝儀感哉之  
劇海山迢遞合并無期漸寒保重是祈享保癸卯

復上原守一書

便中辱書自京衛德田丈處到千里之阻匪由紹介  
華緘鼎來殊荷推隆斯道之在天下無間親踈遠邇  
聲應氣求固宜欽慕僕之無似何足動高聽因想賢  
契鞅掌之暇覃志古聖賢之書以僕之叨承先緒廁  
名于當世諸儒之末意其或有所知遠枉馳問慰藉  
之至勤勤懇懇僕豈敢自外傾蓋如故吾敢於賢契

望之矣俗冗相仍殊稽奉答幸恕心寒千萬保衛

十月十三日

與渡邊希憲書

去歲十一月朔日手書直至本月十八日方到奉別益久景慕益切忽挂佳訊慰浼無限教言縷縷所以愛助我之意甚厚矣唯恨無由一得會面祛吝去躁以進所聞耳凡同志者不得同處同處者不得同志念之悵然不勝於邑夜深無人空齋燈幽靜思昔日同遊之人或東或西如落葉之隨風而散不得同處之憂人人皆爾然而男子之生當有經營四方之志

豈能老守鄉井區區自安乎然人事之不常而友誼之難全往往如此僕年迫甫冠猶匏繫一方株守如昨唯慙日出而興日入而息今日如此明日亦如此今年如此明年亦如此其所為有補于天下之事乎有益于世間之事乎只浮沉于文字之間為蛆蟲蠹魚之見以自終日耳天地之覆載我父母之生育我其意豈如此乎但未知鳴珂帝衢我其冠朱其轂乎將晦迹韜光野其服槁其形乎詩曰靜言思之寤辟有標所示筆記二則三復吟詠紙弊墨渝切中學者之病益足以見其立志之確進修之益雖瑟居遐方

久違函丈，不曾少怠。祇增日侍師席之愧耳。但其文字不穩處，一二塗抹，以塵電燭，呈愚得之，一耳非敢以為正也。高覽以為如何。大抵文字雖學者之餘事，然日東國于海隅，與中夏阻隔，言語不通，嗜欲不同，故世少能之者矣。唯兄益以勉勵，勿墮素志。今鄙文若干篇，謄錄以往，倘有不穩，幸以見教。日者與諸友相共著仁者無敵論，以未脫藁，故不錄示，所不及者，不惜鐫海實所望也。庚午

奉復右司負外郎藤公書

向賜寶笈，再三薰誦，殊荷盛眷。嗚呼！公卿不下士，久

矣。豈士之德不古若耶？將士之自待甚輕而不足以動公卿耶？抑雖有其人而世道日渝，士氣不振，世唯知富貴權力之可欣慕，而不知尊德樂道之所致耶？何其聞乎古而寥寥乎今耶？閣下曾承神明家傳簪纓，夙翔臺省，敷歷華近，已致聲譽。世之人之所瞻仰，以願拜下風者也。而不予鄙棄，以身先之，繼賜翰教，慰藉具至，豈不以區區虛名上瀆高聽為蕩蕩之言，可以裨啟沃之萬一歟？非好善之篤，何以至之？僕寡陋何敢當之。然不才如僕者，尚且就問，則世之庸敏茂懿之士，莫不欲進以善道，告以善言，則其德之日

就月將將不可量也。但恐有始有卒，自舌所難務敦。其實終始惟一則後，來之遠到可必期也。近將奉候，以竭衷曲，千萬保重，書不盡意，恐惶不宣。  
享保己亥五月十一日

荅野呂瑞菴書

向者寄示白雪一章，漫屬和以塵視聽。近者得四月二十三日手書，慰謝丁寧，且蒙惠龍劑一笏，文房頓增光輝，感謝感，因便佈謝書，曷能既時。方向暑千萬保重，練不宣。  
癸卯五月十五日

復杉原春菴書

向者解后于龜山，倏忽陳迹已垂三十霜矣。聞老丈

今尚強健，寓于三州，遣令郎就學于京師，曷堪欣躍。今茲大野戶村翁來具審，近况近又令郎踵予門，且齋華牋到，捧讀再四，殊屬感戢。令郎謹薦有望，幸勿懸念。乍冷，千萬保重，書不盡意，統祈焘察，不宣。  
乙巳

荅岡田元昌書

華緘一封，與蠟炬併到，千里慇懃，殊荷相厚之意。獲聞起居清裕，感慰之至。想義塾之設，日益就緒，信從日衆，事業日著。此固君子之所樂聞。况倡先子之遺旨，風聲一方，在胤不肖，增劇感念。向錄呈記文，亦何足輕重，叨忝獎謝，愧悚餘惟，以時保衛區區。

至懇不悉 乙巳九月廿二日

答真野甘正書

春間並河生之造都辱手教輕篋三柄玉版十刀并至殊荷厚意謝曷能堪書中具示契丈出身始末立志從學之大體何其意之誠而好之篤耶英弟幸辱同寮之契嘗傳芳聲契丈器識之偉文藝之美耳已熟矣加之私淑吾先人之道尤極欽仰速當叙謝以報知遇之情初夏因人促行詣勢州滯留一月餘爾後襍事填委暑濕致困殆廢應酬久不奉報踈慢是懼英弟近有書報平安且促奉會想日夕過從幸憑

提擲並河生平善日親書冊時時譚及貴邦事恒切馳仰因便拜狀餘惟以時保衛區區至懇 庚戌十月廿一日

會岩田林鳳書

一別以來倏忽已過二紀時時尚想風采向者田中勝文氏宦事貴府上都之次相遇談必及老丈事云薦志好學士林寡儔不意千里之阻公務之劇不志故舊娓娓千言叨荷推譽取善之周信道之篤深所欽仰且寄高位感悚勝文氏生稟純厚學亦可進也當速奉會以謝厚意蝟務冗迫且見責拙和陽春之調難速屬和勝文氏書亦來頻頻催迫嗣當奉呈以

謝疎懶 幸諒察焉 壬子五月十五日

寄並河損齋書

郇雲之惠副以多儀之貺戀戀之意久而不渝感謝何堪承喻履端之慶與物更始起居清勝慰浣之甚僕渾家無事履茲新正椿萱並茂棣萼無故枉蒙存問殊荷至意在京貴眷日夕過從勿勞遙念仲氏學益富志益切前程可望也但動為造化小兒所惱湯劑不離側比來清健差強人意李氏謹厚不懈亦可喜也諸弟隨分勸誘日督課業願稍有所成立而克負折薪是望聞鞅掌多故為阻歸省然孝子愛日不

可後時稍節冗費暫候官暇為告寧之計若致遲緩恐為陽亢宗所罪衷曲縷縷書不盡意千萬保齋不宣 壬午

謝伊良子叟書

古謂好賢如緇衣既賢之則為之改為其衣之敝適其館授其粢厚之至也僕之於老兄非有鄉里之好非有葭莩之親與先子同時而不相面觀其書而慕其人慕其人而問其後遂及僕向使令郎就予塾肄業則已為通家之契近同志修葺講舍蒙老兄捐資率先為之助修土木之功不日告成嗚呼不唯見尊

賢信道久而益篤又喜吾道之不孤先志之永傳速  
當奉候以致展謝偶罹小恙百事荒廢加以冗紛踈  
慢之至此貢薄物以効微忱伏祈莞納秋令漸寒千  
萬保護以膺多福不宣 巳酉

復香月牛山書

契濶多年馳結殊劇忽辱翰教就審道體勝常慰甚  
尊庚方向大耋強健不衰文詞華贍筆法端好且見  
頤養之有素客歲所呈藥籠本草序聞近已上梓併  
刺深愧蕪劣何圖推獎踰涯徒增恐悚耳且蒙惠赤  
間石研一方千里面晤娓娓弗措借我以言報我以

既

文房偉器感何可言漫裁一律肅此佈謝餘憑情亮  
不倫

瑤光瑩一鑑佳鏡自關西產自賽龍尾琢何成馬蹄  
遙遙千里信懇懇數行題中夜濡毫處應燃太乙藜

甲寅歲夏  
五既望

與復軒書 吉田渙  
字東葵

向者道喜還附書必達久不得東京之耗起居佳勝  
否盡心古義若到速璧是望今間杉生東上附書公  
孫丑騰訖幸見付官冗必勿亟未畢尚竢秋信其久  
欲得荀子書坊未及刊華本亦甚罕若都下見及幸



寄一部速納價在京貴眷諸友並無恙不煩念及某  
蒙庇如昨徒守陳腐愧愧吉富二生想日日交修冗  
迫不別啓望道意日下久霖物皆黴腐東州蒸暑子  
新到不服水土尚冀千萬保齏臨東馳情不一未

答松田春竹書

糟谷八郎丈之東上得領仲春九日手書就審前年  
貴體違和久不見寄書爾來平安何幸加之嘗寫寄  
曾子贊詞嗣蒙謝音殊荷感念苦無便久不奉報愧  
負甚矣八郎丈公事忽忽不蒙賁臨為恨速馳一价  
具述其由詞儀鄭重足見相信之意幸為致聲何日

合并以究所懷僕齒日邁而幸強健讀書寫字凡百  
應酬猶前日也四弟皆無恙多就宦途索居他邦具  
蒙存問感甚近雲州矢野丈過京言與貴邑地相接  
有便因託彼處以呈報京中失遞送之所幸勿罪稽  
迂統祈諒答不宣丁未

答杉山文理書

奧州士人  
戊申三月

去年九月廿三日辱賜書自大村氏處到且見惠東  
產摺扇三柄感甚雖未挹光範千里面談殊蒙推重  
之意且愧且荷尔來冗迫久稽奉富幸祈昭察不宣  
復清泉翁書

春初辱蒙存問日竹玉趾之豈然殊稽奉答不佞且有泉南之行遵海而遊者浹旬幸怨遲滯雅製一冊足見閩中之用工吾道之行有望也一二附管見唯高明裁焉餘非面莫究不宣  
庚戌三月

復大賀東庵書

久不接書馳想甚矣忽辱存問且承磁鑑之貺殊屬欣荷足見相思之誠也池島藤澤兩生俱無恙否遠地信疎幸為致聲時向暑濕千萬保練不具  
專保辛庚五月念八

答橫關書

向者湯川生之西上蒙寄翰教連領累幅禮意勤重

副以毛穎之惠感戰之至一別如昨已踰十餘霜審聞動止佳裕曷勝慰浣美喻嘗欲為儒業迫于親眷之不欲遂習醫及予先子之時裁書白志不得如所欲尚抱愧負足見足下立志之正久而不渝矣然追悔前事滯著胸次於當面事體必欠慎重今既業醫只當精其術廣救世之廢疾疲癘列于古名醫之流亦何不可及先子之門之人為醫有名者亦多醫豈人之所不可為之事乎哉新文一卷蒙徵管見一二有所思聊以奉告愧甚唯冗懶多事久稽謝答草草布字書不如式統希鑑諒不備  
癸巳

谷稻留希賢書

向得尊父手書，僕方斬焉。在衰經之中，凡百應酬，多致稽滯。不時答謝，又得去月二十七日足下書，就審貴眷各已平安，慰浣是剗。承喻本月十二日，正當吾先人小祥忌辰，蒙寄悼詞五什，感感荷荷於以見尊師信道之心，久而彌厚。先人常引接後進之士，如恕不及，况子以敦敏之材，強識之資，親炙有日，其所造就，何可量哉。是為恨耳。然先人遺書欲陸續登梓，客冬既刊語孟字義，竣功今往乙部，研味有得，不異於升先人之門而受先子之誨。其中議論旨趣，與先儒

之說異處，間或有之。若欠領會，不憚問及趨庭，一得庶以相告。先子生存之日，嘗默寫四書正文，見寄先人既嘆其強力，數數玩閱，頃者裝釘，做三巨冊，閣諸座右。時以示人，及先子之門者，莫不嘆叱曰：何筆體之似吾先師也。這回又得文字數紙，觀者驚異，莫不曰：神童哉。神童哉。聞謄完文選六臣註，愈見勤苦，恐徒費日子，枉勞精神。莫若用力於他好書，若作文須讀韓柳歐蘇等文字，冀成不失作家本色。大抵有才者，親者譽而疎者忌。聞譽則誇，聞忌則沮。是二者業之，所以不成也。尚莫曰譽而誇，莫以忌而沮。直尚友古

人以列三不朽是所望也千萬珍愛草草不次

會水足安方書

聞足下之才名十餘年矣未見足下之文也頃者有人傳遞角就觀封題則八月廿二日足下寄僕書也始見足下之文矣尚未識足下之面也伏審夙好問學尊信語孟二書又因人傳虛名叨蒙傾想見求質疑娓娓百數十言而弗寘雖未識足下之面已神交於千里之外矣大抵世之知為學者莫不取信於聖人之言聖人之言莫不徵之彛倫質諸聖人之言而不合則非教也徵諸彛倫之間而不行則非道也

亦何多岐亡羊彼是此非之爭為足下平昔從事於語孟二書則既有所本矣以如是之才如是之志自是以往積以歲月則左來右去多多益辯輻湊于數目提于綱後來成就一段大事業乃在足下掌握之中耳未即承教馳想亡窮惟千萬為道自愛不宣  
十月二十三日

答野呂瑞菴書

得五月廿九日書因審動止安裕為慰蒙寄北地佳筆二枚快鬆殊稱意感荷之至今夏都下氣候不順病者十室而九不知貴境如何救療之餘不廢讀書

否冗中草草統祈炤鑒不備甲辰八月四日

答高塚某書

因不相識之人得不相識之書我無一日之雅而神交乎千里之外豈非以民彝物則推諸四海而準天下之好惡一也故乎先子立言著書唯聖賢之言是信待子雲乎千載之後既故向三十年門人故舊互相告語夤緣輾轉託交同盟何圖子在千里之外觀先子之書服其遺言因都人之到修書求識非信道之薦而見道之明何以遽獲夜光之暗投被推獎之過隆為裁數言肅此佈謝他日若西上幸為枉顧臨

風不堪悵然之至便遽殊草草統祈情亮不具參州西尾

管下農家子且四條山田氏歸京而寄書癸丑二月也

答竹堂書

一別倏焉裘葛幾更屋烏之愛延及無似枉荷記存客歲松谷子之西歸蒙致意獎譽踰量赧然之至嘗期尺素裁謝以叙故舊冗懶之間年已改矣不道重辱華牋自松谷子處至意旨勤渥同道相愛之契比晉有加兼諭先子所著諸書已經電矚一二有所欣服最切感刺大抵斯道之明昭晰乎宇宙非聖人之所得而專也非愚不肖者之所不敢與知也故自古

欽

賢人君子之言行不能無一長一短豈故為之短以遺後人之議乎哉亦豈為其長足以盡萬世之是非其言足以絕萬世之言論乎哉蓋道之無窮故學之亦無窮古之賢者專心致志以求之雖蠶絲牛毛不遺餘力而一出入之間尚有疾乎後人之說學者苟有信乎前則信焉可矣何必強異苟有疑乎已則疑焉可矣何必雷同天有顯道厥類惟彰聖賢彞訓炳若丹青唯其是焉而已矣先子之所立蓋亦如此僕秉籍遺緒從事乎文字之間株守如昨敢因惠音聊此布悃聞向者應肥侯之辟通仕籍夏間隨節西

上敢賀敢賀途間枉顧幸究餘論萬萬保蓄不備已矣

二月廿六日

復南部平澤昌達書

三月下澣書到并惠黃精一器感甚比來冗懶相因殊滯裁謝幸恕踈慢嗚呼三千里之途也不以為遠矣二十年之契濶也不以為踈矣鄉人羣誹疑乎其學術之不純也不以為憾矣因先人遺書之遠播也頓革舊習誘進鄉里至相謂曰見告之晚矣勤勤懇懇詞意兼至猶咫尺也猶昨日也何其進道之勇而徙善之果也蒙諭將來時通書問以相質心若有

得何吝奉告心遠千里自童年九月

復盧通事書

前歲遠寄翰教垂諭丁寧殊辱知愛豈止傾蓋而故已哉承諭先子遺書嘗見佩服將因不佞知所未知聞所未聞何敢當之大抵道不過倫理綱常之間而應事接物為大非只管一箇身心便了也從上聖賢君子之敷言昭昭乎簡冊之間先子費一生精力闡發無餘固無羨乎予之喋喋但意貴鎮望閩廣而控吳越東箭南金之美輻湊而到必有俊人才子之蹈海而來者賢契涿郡之望玉川之族稟茂懿之才抱

勇往之志日操華音與之周旋其必有相益冀幸見教爾來小柳兄頻頻書來促報冗懶相仍殊致稽滯多罪多罪比日池尾生將歸寧親肅此奉奮向暑統祈保衛便迫書不如式亮答不宣乙卯四月

紹述先生文集卷之十一 終





